

## REGLUGERÐ

### um friðun veiðisvæða fyrir Suðurlandi.

#### 1. gr.

Frá og með 20. febrúar 1992 eru allar veiðar með togvörpu og dragnót bannaðar innan þriggja mílna frá fjörumarki meginlandsins á svæði fyrir Suðurlandi, sem að austan markast af línu sem dregin er réttvísandi í austur frá Stokksnesvíta og að vestan af línu sem dregin er réttvísandi í suður frá Reykjanesvíta.

Þrátt fyrir ákvæði 1. mgr. eru veiðar heimilaðar á eftirgreindum svæðum:

- A. Á svæði í Meðallandsbug milli 17°V og 18°25'V eru kolaveiðar í dragnót heimilaðar. Heimilt er að binda leyfi til veiða sérstökum skilyrðum um útbúnað og stærð dragnótarinnar í því skyni að draga úr veiðum á öðrum fiski en kola.
- B. Á svæði vestan línu, sem dregin er réttvísandi í suður frá Selvogsvíta, eru dragnótaveiðar og togveiðar heimilaðar á árinu 1992.

#### 2. gr.

Þrátt fyrir ákvæði 1. mgr. 1. gr. er heimilt er að veita þeim bátum, sem leyfi hafa til dragnótaveiða fyrir Suðurlandi leyfi til tilraunaveiða á vannýttum kolategundum á afmörkuðum svæðum. Tilraunir þessar fari fram undir eftirliti og stjórn Hafrannsóknastofnunarinnar og miði fyrst og fremst að því að kanna möguleika til veiða á sandkola með sérútbúnni dragnót. Tilraunir þessar fari fram á tímabilinu 1. maí 1992 til 15. ágúst 1992.

#### 3. gr.

Frá og með 20. febrúar 1992 eru allar veiðar með togvörpu og dragnót bannaðar umhverfis Vestmannaeyjar innan línu, sem dregin er í þriggja sjómílna fjarlægð frá fjörumarki eftirgreindra eyja og skerja: Elliðaey, Bjarnarey, Heimaey, Suðurey, Hellisey, Súlnaskeri, Geirfuglaskeri, Geldungi, Álsey, Grasleysu, Þrídröngum og Einidrang.

Þrátt fyrir ákvæði 1. mgr. eru veiðar með dragnót og fótreyfisvörpu heimilaðar á eftirgreindum svæðum og tíma:

- A. Til og með 15. maí 1992 á svæði vestan línu sem dregin er í norður frá Heimaey þannig að austurkant Ystakletts og Faxaskersvíta beri saman og norðan og vestan línu, sem dregin er frá Heimaey um Grasleysu í Þrídranga og þaðan í Einidrang og þaðan í réttvísandi suður.
- B. Á tímabilinu frá og með 16. maí til og með 31. júlí 1992 á svæði sem markast af línu, sem dregin er milli eftirgreindra punkta:

1. 63°22'0 N – 20°24'0 V
2. 63°22'0 N – 20°30'0 V
3. 63°26'0 N – 20°28'0 V
4. 63°26'0 N – 20°22'0 V

#### 4. gr.

Ákvæði 1. og 3. gr. breyta ekki heimildum til togveiða skv. lögum nr. 81, 31. maí 1976, um veiðar í fiskveiðilandhelgi Íslands.

## 5. gr.

Brot á ákvæðum reglugerðar þessarar varða viðurlögum samkvæmt ákvæðum laga nr. 81, 31. maí 1976, um veiðar í fiskveiðilandhelgi Íslands. Með mál út af brotum skal farið að hætti opinberra mála.

## 6. gr.

Reglugerð þessi er sett samkvæmt ákvæðum laga nr. 81, 31. maí 1976, um veiðar í fiskveiðilandhelgi Íslands til þess að öðlast þegar gildi og birtist til eftirbreytni öllum þeim, sem hlut eiga að máli.

*Sjávarútvegsráðuneytið, 7. febrúar 1992.*

**Þorsteinn Pálsson.**

*Árni Kolbeinsson.*

## REGLUGERÐ

### um gjöld fyrir þjónustu veitta af Ríkismati sjávarafurða.

## 1. gr.

Ríkismat sjávarafurða skal taka gjald fyrir vinnsluleyfi sem það gefur út til fiskvinnslustöðva og fyrir hæfnisvottorð sem það gefur út til fiskiskipa.

Vinnslustöðvar og fiskiskip skulu hljóta vinnsluleyfi og hæfnisvottorð að jafnaði einu sinni á ári.

Fyrir vinnsluleyfi til fiskvinnslustöðva samkvæmt 2. mgr. skal greiða gjald eins og hér segir eftir vinnslugreinum:

- |   |            |
|---|------------|
| 1. Grásleppustöðvar . . . . .   | kr. 4 000  |
| 2. Saltfisk-, sildarsöltunar- og skreiðarstöðvar . . . . .  | kr. 16 000 |
| 3. Lagmetisverksmiðjur, frystihús þ.m.t. skelfiskvinnslustöðvar og frystitogarar . . . . .  | kr. 30 000 |
| 4. Bráðabirgðavinnsluleyfi er veitt þeim vinnslustöðvum sem hafa þá ágalla að fullnægja ekki settum reglum um hreinlæti og búnað en teljast þó hæfar til matvælaframleiðslu að mati Ríkismats sjávarafurða. Hámarksgildistími bráðabirgðaleyfis er 3 mánuðir. Fyrir bráðabirgðaleyfi skal greiða sama gjald og tiltekið er í 1.–3. tl. hér að ofan. |            |

Fyrir hæfnisvottorð til fiskiskipa samkvæmt 2. mgr. skal greiða eins og hér segir:

- |  |            |
|--|------------|
| 1. Fiskiskip 1–10 brúttórúmllestir . . . . .   | kr. 3 000  |
| 2. Fiskiskip 11–50 brúttórúmllestir . . . . .  | kr. 6 000  |
| 3. Fiskiskip 51–200 brúttórúmllestir . . . . .   | kr. 12 000 |
| 4. Fiskiskip 201 brúttórúmllestir og stærri . . . . .  | kr. 24 000 |
| 5. Fyrir bráðabirgðahæfnisvottorð sem gildir hámark 2 mánuði skal greiða skv. 1.–4. tl. hér að ofan. |            |

Gjald fyrir hæfnisvottorð samkvæmt þessari grein skal innheimt við afhendingu vottorðsins.

## 2. gr.

Ríkismatið skal taka gjald vegna útflutningsmatsvottorða.

Skal gjald vegna afurða hvers framleiðanda á útflutningsvottorði vera kr. 500.